

太上元始天尊證果真經

爾時

元始天尊在五清宮內與諸仙上聖演說真經若能傳受身有光明左有天丁右有七星

三界侍從受吾真經能持誦者萬鬼銷寧誦

吾真經自然長生五帝侍衛萬劫皆明隨劫

輪轉逍遙上清光奇仙子受者長生玄妙

蘇葉斷惡神千千萬萬剪形天符勅令

斷絕鬼神頭破七分除滅根源修行有志對

御留恩真經微妙難遇難聞

○上帝高尊五靈大神三界收戮十惡絕根

洞明師子護持龍門三界玉真真中有神

天人護衛絕魔邪群傳受萬民世世長存

道言證果真經者讀誦萬徧生者長生家門

有慶死者幽魂出苦身離惡趣世間善信男

女宜各敬而行焉

太上元始天尊證果真經

太上元始天尊說續命妙經

爾時

元始天尊告

太上道君曰三界衆生漂流苦海元有解脱
法豈忍受宣須精勤奉行我法普該救度

太上道君既奉告命不敢藏情若有衆生危

厄疾病當誦此經稱大慈大悲大惠真人大

慈大悲救苦真人即得離苦長得解脫永離

嬰縛長生益壽老命更延一切厄難皆得消

滅

○太上道君宣說頌曰

大慈二真人能救三界苦放光照世間

地獄悉停住刀山高巍巍鑿陽地炎炎

至心念真人罪魄解宿冤疾病多苦厄

非災難可言痛哉傷五神其人愍悲辛

清信善男女歸命須至心常念二真人

離苦免憂沈疾病消眾厄邪魔不敢侵

晝夜心不離解脫全爾身勇猛發回向

同歸七寶林

太上元始天尊說續命妙經

二經同卷

洞真太極北帝紫微神呪妙經

太上說六甲直符保胎護命妙經

卷九

洞真太極北帝紫微神呪妙經

神兵護國家驅鬼消災奉勑呪品

元始天尊說下元衆生多有惡逆聚生大國

不從正道自稱強能不知人命不久自今已

去大魔行運五濁之世人多造橫圖謀衆生

致害天下萬民艱辛苦勞苦衆生受罪國人非

法刑禍相罰賊從下生惡亂世界鬼兵入國

行其大災之疫刀刃殺人人轉惡心造違刑

法相謀鬼計多生道途艱辛五種大賊夜行

殺人劫掠逃虜盜黨鬼賊盜等五種大鬼作

亂世界萬民不安小人負重州縣勤苦國土

不正貴人无道千鬼萬邪皆悉能害人令人

家虛萬事不果死亡賊害長病在室官鬼在家

惟鬼競起人宅耗虛百事不吉若有一人

歸向道要奉吾勅令萬災可解百疫自散官